



Senin, 21 Agustus 2023

Ogen: 1 Korinti 9:19



AKU BEBAS NGE



Untuk menikmati kebebasan kita harus mengendalikan diri kita sendiri, enda me si isehken Virginia Woolf. Kebebasen si ibereken man banta e me kebebasan si teriket. Ertina teptep kalak banci ngelakoken kai pe atena tapi arus alu penguasaan diri si mehuli. I bas dirina arus lebe tersuan erbage nilai si mehuli si erbahan ia salah i bas keputusan ntah pe perbahanen si ilakokenna. Kalak si merdeka e me kalak si enggo ngasup ngkuasai dirina jine, naluken sura-sura dagingna sabap e me si megati si mbelinna ngiket ras ngkuasai manusia seh maka lanai ia jadi kalak si merdeka. Ia ikuasai emosi, la terkuasai (tekendalinenna) sura-surana, rawana, ras sidebanna. Kalak si bage me si nggeluh tertaban denga.

Renungenta enda nuriken kata si ibelasken Paulus arah suratna si pemena man perpulungen Korinti. Iturikenna ia selaku kalak bebas, labo budak ise pe. Bebas nge ia ngelakoken kai pe, tapi kebebasenna enda la ipakekenna guna kesenangan pribadina. Ijadikenna dirina jadi budak Kristus, suruh-suruhan man jelma si enterem guna keselamatan si ibereken Kristus e. Enda me pilihenna.

Selaku kalak si enggo itebus, ibebasken, ipulahi i bas kuasa dosa nari, maka kita enggo jadi kalak bebas. Bebas nge kita ngelakoken kai pe, tapi inget, kita ibebasken Dibata labo guna ndayaken dirinta mulihi ku bas dosa. Adi bage sia-sia kal nge perbahanen Jesus i kayu persilang. Mari sipake kebebasenna guna ngelakoken perbahen si mehuli bagi Paulus e me ndatken kalak guna Kristus. Bebas kita makeken duitta guna nukur si ngena ateta, tapi mehuli kal adi la kita jadi konsumtif, sipakeken e guna kiniulin kalak si enterem. Nampati kalak si musil, kalak si kelehen, si la lit modalna rusaha ntah erjuma. Nampati anak-anak si la lit duitna guna sekolah.

